



Broj:

Sarajevo, 23.08.2021. godine

PARLAMENTARNA SKUPŠTINA BOSNE I HERCEGOVINE
PREDSTAVNIČKI DOM

n/r predsjedavajućeg, gđin. Denis Zvizdić

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 23-08-2021			
Organizaciona jedinica	Klasifikaciona oznaka	Redni broj	Broj priloga
01-	10-1-	1649	21

Na osnovu člana 170. Poslovnika Predstavničkog doma Parlamentarne skupštine Bosne i Hercegovine („Službeni glasnik BiH“, br. 79/14, 81/15, 97/15, 78/19 i 26/20), podnosim

ПОСЛАНИЧКУ ИНИЦИЈАТИВУ

kojom se traži od Vlade Federacije BiH da pripremi i u parlamentarnu proceduru Parlamentu Federacije BiH dostavi Zakon o civilnim žrtvama rata Federacije BiH.

Образложење

U julu 2020. godine, na osnovu ovlaštenja iz Poslovnika Predstavničkog doma Parlamentarne skupštine Bosne i Hercegovine, podnijela sam poslaničku inicijativu Predstavničkom domu Parlamentarne skupštine Bosne i Hercegovine kojom Predstavnički dom zadužuje Vijeće ministara Bosne i Hercegovine, odnosno nadležno Ministarstvo za ljudska prava i izbjeglice Bosne i Hercegovine, da u roku od 30 dana od dana usvajanja inicijative, implementira Odluke UN-ovog Komiteta za borbu protiv mučenja (UNCAT), što je jedan od prioriteta iz Mišljenja Evropske komisije o zahtjevu Bosne i Hercegovine za članstvo u Evropskoj uniji.

U skladu sa odlukama UNCAT-a Bosna i Hercegovina je obavezna uspostaviti efektivan sistem reparacije na državnom nivou kako bi se pružili svi oblici reparacije žrtvama ratnih zločina, uključujući žrtve seksualnog nasilja i drugih oblika torture, te pripremiti i usvojiti okvirni Zakon o pravima žrtava torture koji bi jasno definisao kriterije za sticanje statusa žrtve i utvrdio koja su specifična prava zajamčena žrtvama u cijeloj državi.

Iako se već duži vremenski period navodno radi na izradi ovog zakona, Vijeće ministara još uvijek nije dostavilo Zakon o pravima žrtava torture u Bosni i Hercegovini u parlamentarnu proceduru i nije izvjesno kada će se to desiti.

Značajno je napomenuti da su logoraši/žrtve ratne torture jedina kategorija stanovništva proistekla iz rata koja nije, na adekvatan način, obuhvaćena niti jednim zakonskim rješenjem.

Na nivou Republike Srpske 2018. godine usvojen za Zakon o zaštiti žrtava ratne torture, kojim je stvoren okvir za reguliranje statusa i prava žrtava ratne torture na području RS, ali uz znatna ograničenja za odgovarajuće kategorije.

Na nivou Federacije Bosne i Hercegovine postoji Zakon o osnovama socijalne zaštite, zaštite civilnih žrtava rata i zaštite porodica sa djecom, koji je ostavio mogućnost logorašima za podnošenje statusa civilne žrtve rata.

Međutim, jedan od ključnih kriterija za priznavanje statusa civilne žrtve rata po tom zakonu jeste da podnositelj zahtjeva, uz isti, mora priložiti medicinsku dokumentaciju iz perioda zatočenja u logoru i nastanka povrede ili oboljenja koja ne može biti starija od februara 1996. godine.

Shodno navedenom, niko od logoraša ne može, ili vrlo mali broj njih može ostvariti status i prava po ovom zakonu.

Vlada Federacije Bosne i Hercegovine je, početkom 2019. godine, prihvatila inicijativu Skupštine ZDK za usvajanjem Zakona o civilnim žrtvama rata FBiH, te zadužila Federalno ministarstvo rada i socijalne politike da u svoj Program rada uvrsti ovu inicijativu i započne raditi na istoj. Međutim, još uvijek Zakon nije dostavljen u parlamentarnu proceduru. Stoga, bi trebalo intenzivirati aktivnosti na izradi ovog zakona i njegovom usvajanju u Parlamentu Federacije BiH.

Na kraju bitno je napomenuti da implementacija svih odluka UN-ovih komiteta i međunarodnih sudova, nije pitanje diskrecione volje pojedine institucije vlasti u BiH, već je to pitanje poštivanja principa ustavnosti i zakonitosti, jer je Bosna i Hercegovina ratificirala Konvenciju protiv torture i drugih okrutnih, nečovječnih i ponižavajućih postupaka ili kažnjavanja i svi nivoi vlasti su obavezni postupati u skladu sa odredbama Konvencije i odlukama UN Komiteta protiv torture.

S poštovanjem,

Handwritten signature of Alma Čolo in black ink.